

Arnold: Hak rakyat Sabah, Sarawak sudah ditulis rapi

KUALA LUMPUR 13 Sept. - Hak-hak rakyat Sabah dan Sarawak sudah ditulis rapi dalam Perlembagaan Persekutuan dan rakyat dari kedua-dua negeri itu tidak perlu lagi bimbang mengenai perkara itu.

Timbalan Dekan Pascasiswazah dan Penyelidikan Fakulti Sains Sosial Universiti Malaysia Sarawak, Dr. Arnold Puyok berkata, pada waktu ini, rakyat Sabah dan Sarawak perlu kembali kepada Perlembagaan Persekutuan.

Bagaimanapun, katanya,

kerajaan perlu melihat perkara ini dengan lebih serius selain mewujudkan lebih kesedaran rakyat mengenai Perlembagaan Persekutuan.

“Saya ingin bertanya di sini, ada sesiapa yang memiliki buku Perlembagaan Persekutuan? Tidak ada bukan? Jadi kita jangan buat andaian,” katanya sewaktu memberi pandangan dalam Wacana Ilmuan, *Negaraku Malaysia: Di Mana, Ke Mana Kita?* di Universiti Putra Malaysia dekat sini hari ini.